



專治時疫白喉捷要合



光緒丙戌仲夏新鐫

時疫白喉捷要合編



中医药大学图书馆版

序

古今名醫喉科諸書言喉證者詳矣。獨未載有時疫白喉證。自道光中葉始於江浙。迄乎荆湘黔道間。發作無時。傳染甚速。巷陌街衢死者踵相接。惟時西北諸郡邑無有焉。邇來疫氣流行。與時變遷。秦隴地方亦丁其厄。雖塞外徼荒。所在皆有。庸醫辨證未明。不審脈之虛實。證之寒火。狃於偏見。總



以西陲係砂磧嚴凝之區率皆寒證又或拘泥古
方不知時異勢殊漫無變通輒投表散辛溫滋補
之劑為害最烈百無一全同鄉張善吾學問淵海
雍封翁細心考究詳察病源所著白喉證論
中列飲散屢見功效活人甚多乾嘗肄業及之惟
疫證愈出愈險有朝發夕死者有癰痛難忍立刻
斃命者乾臨證日久每悉心討論更兼博訪旁諮

又得鍼刺要訣。名手秘方。為兩先達書中所未備。
光緒紀元。乾幕遊湟中。次年夏。適白喉疫證蔓延。
湟郡各屬。乾將諸方及鍼法。進都人士。而口授之。
照方醫治。應手輒效。百不失一。嗣是而甘泉而酒
泉。患此證者。倩乾調理。效皆立。奏欲將兩先達良
方。及陸續所獲鍼法方畧。并付剞劂。以公諸世。而
垂久遠。廣醫學而起沈疴。顧所費不貲。勢難獨任。

幸賴

學士大夫。愷悌慈祥。或分鶴俸。或解錦囊。成茲義
仁人君子。舉可補醫經之缺畧。從此慈航普渡。壽域同登。其
有裨於天下後世者。豈淺鮮哉。

光緒歲在屠維單閼仲夏月穀旦。湘西黃炳乾陶
普氏謹識於酒泉公廨。



專治時疫白喉捷要合編目錄

時疫白喉龍證論

白喉龍續論

白喉龍看法
附認寒火證

白喉龍治法

開關散

鍼法
附煉藥鍼法



蒜泥拔毒散
救急異功散
除瘟化毒散
神功辟邪散
神仙活命湯
龍虎二仙湯
雄黃解毒丸



清心滌肺湯

養正湯

銀花四君子湯

瓜霜散

附取西瓜霜法

血竭冰蓬散

石膏消毒散



北京中醫藥大學圖書館藏

回生萬應丹

膽礬散

硃砂破蛾散

無治之證

藥方歌括



專治時疫白喉龍證論

白喉有時疫一證。其發無時。其傳染甚速。其病至危至險。治者每多束手無策。修考之諸書。臨證日久。竊以為其治有十難焉。蓋此證乃纏喉急痺。緩治則死。凡咽喉不利。口渴舌燥。頸腫目赤。耳痛脣紅。皆上攻頭面之證。邪熱客於心肺。



之間。似與他經無涉。其有兼及他經者。體氣虛弱。邪氣乘之而入。皆後之傳名曰越經時。未傳及他經。不察其以他經之藥。其難一也。大抵其證惡寒發熱。頭痛背脹。精神倦怠。遍身骨節痠痛。喉內有極痛者。有微痛者。初無形迹可見。似傷風傷寒表證。若投以麻



桂羌防升柴細辛蘇葉之類致毒。散無可挽回。其難二也。彼其惡寒發熱。毒氣初作於內。至二三日喉內見白。見後寒熱自除。或者不悟。誤以為表藥有功。豈知白見後。即不服表藥而發熱亦止耶。一起誤服羌防麻桂。非徒無益而。又害之。其難三也。按此病熱證多。寒證

少有以色白為寒者。不思此證初發於肺。肺屬金。其色白。為五臟六腑之華蓋。處至高之位。毒氣薰蒸自下而上。肺病日深。故其本色日著。治宜解五臟之毒。使之下行。勿令蓄積於肺。若因白色疑為寒證。投以附桂炮薑。是謂抱薪救火。愈熾愈烈。其難四也。即有知為火毒不

可輕用升提開散之品。輒以芒硝大黃下之。不知此證已傳至上焦氣分。與中下焦無涉。既上焦氣分受傷。又以硝黃攻伐太過。使中下焦有損。元氣愈傷。其難五也。見證確。藥當守方。有火毒甚者。初起用消風敗毒引熱下行之劑。治法良是。乃日服二三劑。而白不退。連服十

數劑而白愈有加。是猶杯水車薪。與事
無濟。治者當詳審病源。或舌胎黃黑。或
乾脣焦。小便短澀而黃。大便瀉泄帶黑。
是謂火毒凝結。內病不除。白何能淨。愈
發白。愈守方。久久投之。自有效驗。若另
更別方。必生變故。其難六也。察之既精。
圖治不容緩。此乃瘟疫之變證。殺人最

速過七日不起。庸醫辨證未明。投以平
淡之劑。不求有功。但求免過。是謂優容
養姦。迨延至五六日。毒氣重矣。元氣傷
矣。善治者。不得不以猛劑攻之。然病已
垂危。成則無功。一旦不起。病家不咎優
容之過。反云猛劑非宜。此非誤於後而
實誤於前。其難七也。有非白喉而轉為